

МЕСЯЦА ИЮНЯ В 8-Й ДЕНЬ

Празднование Пресвятѣй Владѣчице нашей
Богородице и Приснодѣве Маріи, ради
чудотворныя иконы Ея, именуемая
«Ярославская»

НА ВЕЛИЦЕЙ ВЕЧЕРНИ

Блажен муж: 1-й антифон. На Господи, возвах: поставим
стихов 8 и поем стихіры, глас 1.

Подобен: О дивное чудо:

О, великое и пречудное верным дарование / Заступницы
наша явися / пришествие чудотворного Ея образа, / всем убо
бывает больным исцеление, / грешным спасение и к Богу
дерзновение. / Приидите, вси правовернии, / и, жаждущие,
насладитесь, / подаёт бо Пречистая всем неоскудные
милости, / воспоём, празднующии, / Небесную Царицу и
Богородицу: / Обрадованная, радуйся, / с Тобою Господь, //
подай миру Тобою велию милость.

О, великое утешение / икона Твоя, Чистая, / граду
Ярославлю даровася / во утверждение и спасение, / милости
пучина, / милосердия источнице; / воспоим, вернии, /
Гавриила имуща чиноначальника: / Благодатная, радуйся, / с
Тобою Господь, // подай миру Тобою велию милость.

Тéплая Застúпнице / к Тебé притека́ющих / и
ненаде́ющимся наде́ждо, / Ты еси́, Богоро́дице Влады́чице, /
оби́димых покрóве / и сопроти́вных нашéствия отгнáние; /
воспо́йм, вёрнии, / Гаври́ила имúще чиноначáльника: /
Благода́тная, ра́дуйся, / с Тобо́ю Госпо́дь, // пода́й мýрови
Тобо́ю ве́лию мýлость.

О дýвное чýдо! / святíteлей сослóвие / и священников
собóри, / мона́хов совокуплéние / и вся росси́йския наро́ди /
уми́льно клáняются моля́щися / и любóвию целýюще Твой
óбраз / со умилéнием глаго́лют: / Благода́тная, ра́дуйся, / с
Тобо́ю Госпо́дь, // пода́й мýрови Тобо́ю ве́лию мýлость.

Сла́ва, и ны́не, глас 6:

Ублажа́ются ны́не кня́зи яросла́встии, / славный
Васи́лие с богомýдрым Константи́ном, / и прославля́ется
явлéние Яросла́вския ико́ны Бóжия Ма́тере. / Та бо нас
предивными чудесы́ обогаща́ет, / покрóв и огражде́ние от
всех наве́тов вра́жиих явля́ет, / стру́й исцелéний мýлостивно
источáет, // вся́кия ско́рби и тýгу утоля́ет.

Вхо́д. Прокýмен дне и чтéния.

Бытия чтение (глава 28):

Изы́де Иа́ков от студенца́ кля́твеннаго / и йде в

Харра́нь. / И о́бруте ме́сто, и спа та́мо, / за́йде бо со́лнце, / и взят от ка́мения ме́ста тогó, и положи́ возгла́вие себе́, / и спа на ме́сте о́ном, и сон ви́де. / И се ле́ствица, утвержде́на на земли́, / ея́же глава́ досяза́ше до Небе́с, / и А́нгели Божий восхожда́ху и низхожда́ху по ней. / Госпо́дь же утвержда́шеся на ней и рече́: / Аз Бог Авраа́мов, отца́ твоегó, / и Бог Исаа́ков, не бо́йся. / Земля́, иде́же ты спи́ши на ней, / тебе́ дам ю́ и се́мени твоему́. / И бу́дет се́мя твое́, я́ко песо́к земный, / и распространи́тся на мо́ре, и ли́ву, и се́вер, и на восто́ки, / и возблагословя́тся о тебе́ вся ко́лена земна́я и о се́мени твоём. / И се Аз с тобо́ю, сохраня́яй ты на вся́ком пу́ти, а́може а́ще по́йдеш, / и возвра́щу́ ты в зе́млю си́ю, я́ко не и́мам тебе́ оста́вити, / до́ндеже сотвори́ти Ми вся, ели́ка глаго́лах тебе́. / И воста́ Иа́ков от сна своегó, и рече́: / я́ко есть Госпо́дь на ме́сте сем, аз же не ве́дех. / И убо́йся, и рече́: / я́ко стра́шно ме́сто си́е, / несть си́е, но дом Бо́жий, / и си́я врата́ Небе́сная.

Проро́чества Иезеки́илева чтéние

(главы 43 и 44):

Та́ко глаго́лет Госпо́дь: / бу́дет от дне осма́го и прóчее, / сотвори́ят иере́и на олтари́ всесо́жже́ния ва́шего / и я́же спасéния ва́шего, / и прииму́ вы, глаго́лет Адо́наи́ Госпо́дь. /

И обрати́ мя на путь врат святы́х внѣшних, зрящих на востóки, / и сия́ бѣху затворѣна. / И речѣ Господь ко мне:/ врата́ сия́ затворѣна бѣдут и не отвѣрзутся, / и никто́же прѣйдет сквозѣ их, / яко́ Господь Бог Изра́илев прѣйдет ѿми, / и бѣдут затворѣна. / Яко́ игу́мен сѣдет в них снѣсти хлеб, / по путѣ Ела́мских врат вни́дет и по путѣ егó изы́дет. / И введѣ мя по путѣ врат святы́х, / сущих к се́веру прѣмо хра́му, / и ви́дех, и се испо́лнь сла́вы храм Господень.

Притчей чтѣние (глава́ 9):

Премудрость созда́ себѣ дом и утверди́ столпо́в седмь. / Закла́ своя́ жѣртвенная, и растворѣ в ча́ши своѣй вино́, / и угото́ва свою́ трапѣзу. / Посла́ своя́ рабы́, созыва́ющи с вы́соким проповѣданием на ча́шу, глаго́лющи: / ѿже есть безу́мен, да уклонѣтся ко мне, / и трѣбующим ума́ речѣ: / приидѣте, ядите мой хлеб / и пѣйте вино́, еже растворѣх вам, / оста́вите безумие, и жи́ви бѣдете, / и взыщѣте ра́зума, да поживетѣ, / и испра́вите ра́зум в вѣдении. / Наказу́яй злы́я, приимет себѣ безче́стие, / облича́яй же нечестѣваго, опорочит себѣ, / обличе́ние бо нечестѣвому, ра́ны ему́. / Не облича́й злых, да не возненави́дят тебѣ, / облича́й премудра, и возлю́бит тя, / даждь премудрому вино́, и премудрши́й бѣдет; / сказу́й праведному, и приложѣт приима́ти. / Нача́ло

премудрости – страх Господень, / и совет святых – разум. /
Разумети бо закон, помысла есть благаго, / сим бо образом
многое поживеши время, / и приложатся тебе лета живота.

На литий стихирь, глас 5:

Руце простираем Тебе / и скверныя уста отверзаем к
молению, / приклоняюще же колена / и умно ногам Твоим
касающиеся, Пречистая, вопием: / спаси град сей / и люди
благочестивыя / и православие в земле нашея утверди, / да
славим уневестившаго Тя Себе Отца, / и Воплотившагося от
Тебе Сына, / и Святаго, от Отца исходящаго Духа, / Троицу
Живоначальную, / и Твое Матернее за ны пред Нею
предстательство // в безконечныя веки веков.

Глас 6: Небесная Царице Богородице, / на святем Твоём
образе, / емуже ныне празднуем благочестно, / зрим Тя
мафорием Своим Христа Богомладенца укрывающую / и от
всех зол ограждающую, / и ланиту Свою к Нему с любовью
приклоняющую. / Темже со умилением сердец взываем Ти: /
покрый своим мафорием град Ярославль, / икону Твою
благоговейно чтущий, / и моли Сына Твоего и Бога нашего, /
да спасет живущия в нем и во области его верныя люди, //
имея велию и богатую милость.

Сла́ва и ны́не, глас то́йже:

Тебе́ вси ро́ди челове́честии / хва́льные да́ры прино́сят,
Влады́чице, / и мо́лятся я́ко Цари́це Ма́тери Бо́жии, / проро́цы
Тя премúдро пропове́даша, / левíti благослови́ша, /
апóстоли и мúченицы испове́даша, / вся сослóвия
покланя́ются, / архиере́е пропове́дуют, / мона́си и прости́и
благоговéют, / богáтии и убóзии, сирóты и вдови́цы, / и всяк
вóзраст, и вся́ко преспéяние, / ста́рческое и младе́нческое, /
под кров Твой держа́вный с ве́рою прибега́ем: / покрýй и
соблюди́, Госпоже́, моли́твами Твои́ми / и спаси́ от бед ду́ши
на́ша.

На стихóвне стихи́ры, глас 2.

Подóбен: До́ме Евфра́фов:

Взбра́нную Воево́ду / гра́да на́шего / язы́ки
побежда́ющую / воспои́м ве́рнии // Пречúдную Влады́чицу.

Стих: Помяну́ и́мя Твоé / во вся́ком ро́де и ро́де.

Тéплую христиа́ном Предста́тельницу, / скорбя́щих
утешéние, / печа́ли утолéние / воспои́м ве́рнии // Еди́ну
Богома́терь.

Стих: Слы́ши, Дщи, и виждь, / и приклони́ у́хо Твоé.

Ико́на всесла́вная / Ма́тере Бо́га на́шего / гра́ду
Яросла́влю яви́лася еси́ покрови́тельнице, / покрыва́й нас,
Госпоже́, / сохраня́ющи от вся́ких скорбе́й.

Сла́ва, и ны́не, глас и подо́бен то́йже:

Уповáние христиáн, / Пресвятáя Дéво, / благодáтию
Твоея́ ико́ны / от всякаго вре́да // Твоя́ рабы́ соблюда́й.

Тропа́рь, глас 4:

Заре́ благодáтная Яросла́вския земли́, / дрéвле явила еси́
ико́ну Твою́ пречестну́ю, / о, Ма́ти, Засту́пнице ро́да
христиáнского, / ёюже и ны́не просвещáеши тьму ве́ка сегó //
и ту́гу людéй твои́х утоля́еши.

НА УТРЕНИ

На Бог Господь: тропáрь, трéжды.

По 1-м стихослóвию седа́лен, глас 6:

Возлюби́ла еси́ уго́дников твои́х, Влады́чице, / сла́внаго
Васи́лия с до́блím Константи́ном, / и во дни тяжкие свята́ню
Твою́ явити́ им мило́стивно изво́лила еси́, / да бу́дет лю́дем
яросла́встим в щит и огражде́ние, / печа́лей утолéние, /
в болéзнях исцелéние, / в ско́рбех утешéние / и от всех
нахожде́ний вра́жиих избавлéние.

Сла́ва и ны́не, то́йже.

По 2-м стихослóвию седа́лен, глас 5:

Ико́ну Влады́чицы, / в сара́е небре́жно храни́мую, / муж
не́кий нахо́дит / и в дом свой прера́достно вно́сит, / небéсною
красото́ю вновь украша́ет / и па́ки на ме́сто дрéвняго явлéния
возвращáет. / Да бу́дет гра́ду на́шему от мо́ра и гла́да

избавлѣние, / от нашѣствия иноплемѣнных сохранѣние // и во
всех нѣждах скорое вспоможеніе.

Слава, и ныне, тойже.

Величание:

Величаем Тя, / Пресвятая Дѣво, / Богоизбранная
Отроковице, / и чтим образ Твой святый, / ѣмже точиши
исцелѣния // всем, с вѣрою притекающим.

Псалом избранный: Помяни, Господи, Давида:

По полиелѣи седален, глас 6:

Днесь о всех чудесѣх Твоих, Владычице, / на землѣ
Ярославстей бывших, / благодарѣния Ти Церковь приносит. /
Тѣмже сошедшиися люди Твоя от Небес благослови, / разум
наш уцеломудри, / и житіе наше исправить помози, // и о
спасѣнии душ наших молѣние к Богу вознеси, молим Ти ся.

Слава, и ныне, тойже.

Таже степенна, 1-й антифон 4-го гласа. Прокимен:
Помяну ѣмя Твое / во всяком родѣ и родѣ. **Стих:** Слыши,
Дщи, и виждь, и приклони ухо Твое. **Всякое дыханіе:**
Евангелие от Лукы, зачало 4.

По 50-м псалмѣ стихира, глас 6:

Егда скорбь велия на землю Ярославскую нападѣша, /
тогда боголюбивые Василие с Константином, / принесѣша

ико́ну Твою́, Влады́чице, / и весь наро́д яросла́вский с
тре́петом обстоя́ху Ю: / и о́ви у́бо взира́юще на зрак Твой, /
у́жасом одержи́ми бя́ху, / и со слеза́ми вопи́аше Ти: /
о Пресвята́я, приди́ и сохрани́ град сей, / зна́ем Тя заступни́цу
крéпкую, / Наде́жду и Упова́ние на́ше, / но о Пречи́стая, /
моли́ся приле́жно Сы́ну и Бо́гу Твоему́, // спасты́ся ста́ду
Твоему́ невреди́му.

Кано́н Богоро́дицы, егóже краеграни́е: Воспоем
принесение во град Ярославов, **на 12, ирмос по дважды,**
глас 4.

Песнь 1

Ирмо́с: *Отвѣрзу уста́ моя́, / и напо́лнятся Ду́ха, / и сло́во
отры́гну Цари́це Ма́тери, / и явлю́ся, свѣ́тло торжества́, / и
воспою́, ра́дуясь, То́я чудеса́.*

Всехва́льная Влады́чице, кия́ похвалы́ принесу́ Ти, /
нечи́сты устне́ иму́щи, / кия́ досто́йныя пѣ́сни, Всепѣ́тая, /
принесѣ́т Тебе́ моѐ неможѣ́ние, / но я́ко Ми́лостивая, очисти́
мя Твои́м благоутро́бием / и даждь ми крѣ́пость воспѣ́ти Тво́я
чудеса́.

Огнь ве́ры в лю́дех Твои́х возжже́ Тво́я, Богоро́дице,
ико́на; / егда́ бо наше́ствие сопроти́вных на зѣ́млю на́шу
на́йде, / моля́щихся пред чудотво́рным о́бразом Твои́м
побе́ду получа́ху. / Мы же, тех пра́внуцы сýще, /

благодáрную пáмять о сем тéпле сохраняем.

Слáва Тебé, Всенепорóчная, / любящим Тя дéвам
неотъёмлемое сокрóвище, / целомúдрия истóчнице,
Небéсныя слáдости откровéние, / унýния и печáли
истреблéние, / смирénных и боголюбцев венчáние и
пóстников удобрéние.

Пред Тобóю благоговéют, Госпожé, Áнгелов
начáльницы, / и святых чíни чéстно слúжат Ти, / прáведнии
красúются, князии же Васíлие и Константíне молятся, / и
град Ярослáвль похваляет свéтло. / Мы же, грéшнии,
припада́я ко Твоéй свято́й ико́не, Ярослáвстей, / мýлости
прóсим и воспевáем тво́я чудеса́.

Катав́asia: *Отв́ерзу уста́ моя́:*

Песнь 3

Ирмо́с: *Тво́я песнослóвцы, Богорóдице, / живýй и незав́стный
Истóчнице, / лик себé совоку́пльшия, духо́вно утверди́, /
в Божéственной Твоéй сла́ве / венце́в сла́вы сподо́би.*

Обрétши сокрóвище ра́дуются, / тёмже и мы, имéя ико́ну
красоты́ Твое́я, Ярослáвскую, / милосéрдия сокрóвище
Небéсное и неиздивáемое, / воспевáем, ра́дующеся, Тво́я
чудеса́.

Егда́ нечýстных помышлénий мо́их мно́жества / и
безмéстных мýслей обурева́ния кто изрещи́ мо́жет,

Пренепорóчная? / Настоя́ния же безплóтных враг мо́их и сих
злóбу кто испове́сть? / Но Твое́ю мольбо́ю, Благо́я, сих ми
всех избавле́ние да́руй.

Ма́ти Бо́жия, ны́не че́ствующе Тя в цельбоно́снем о́бразе
Твое́м, / смире́нно тому́ покланя́емся, и любе́зно целу́ем / и,
к Твое́й безме́рней любви́ возвыша́еми, / благода́ть
исцелений от Него́ почерпа́ем и Тя, Всепе́тая, прославля́ем.

Пою́т Тя, Богоро́дице, А́нгельские чи́ни / и пра́зднуют
патриа́рхи со святи́тели, / с ни́ми же и Боголюбivéе
яросла́встии наро́ди, / притека́юще во святу́ю твою́ Це́рковь /
мо́лят Тя усер́дно поми́ловати град Твой и лю́ди в нем
живу́щия и любóвию Тя велича́ющия.

Седáлен, глас 8:

Дре́вле Твою́, Богома́ти, ико́ну / боголюбivéе кня́зие
Васи́лие с Константи́ном / ве́рою и любóвию во святы́й град
Яросла́вль принесо́ша / и поста́виша в новосозда́нном хра́ме
Успе́ния Твоего́, / и мно́жества люде́й та́мо притека́ти áбие
навыко́ша: / днесь же святы́ня сия пред очесы́ на́шими
зри́тся / и умиле́ния сердца́ на́ша исполня́ет.

Песнь 4

Ирмо́с: *Седя́й в сла́ве на Престо́ле Божества́, / во о́блаце
ле́гце / при́де Иису́с Пребоже́ственный / Нетле́нною Дла́нию и
спа́се зову́щия: / сла́ва, Христе́, си́ле Твое́й.*

Рáдостно, вѣрнии вси, грядѣте, восплѣщим рука́ми, /
зря́ще Превѣ́сшую всех го́рних чино́в / Дѣву, Цари́цу Небе́с,
во хра́ме днесь сѹщую с на́ми, / всем источа́ющую то́ки
целѣ́бных даро́в.

Измѣ́ всякую горды́ню и превозноше́ние из
помраче́ннаго ума́ моего́, Богома́ти, / утверди́ се́рдце моѐ во
упова́нии на Тя, / и, не я́ко дым, но я́ко благоуха́ние / принесу́
Ти хвалу́ Пречи́стая.

Неотло́жно при́йдем, к пречестно́му о́бразу Бо́жия
Ма́тере, / и обѣ́мем се́рдцы и устна́ми, очесы́ и лицѣ́м чи́сто
прикаса́ющесея, / и почерпа́юще исцелѣ́ний незавѣ́стные да́ры
от исто́чника приснотеку́щаго.

Единоро́днаго Сы́на Ма́ти, ты еси́ похвала́ и венѣ́ц
святы́м, / вси́ на Тя по Бо́зе наде́жду возложѣ́хом / и Тебе́
мо́лимся, Всепѣ́тая Влады́чице, / Помо́щнице грѣ́шным и
спасѣ́ние рабо́м Твоѣ́м.

Песнь 5

Ирмо́с: Ужасо́шася вся́ческая / о Божѣ́ственной сла́ве Твоѣ́й: /
Ты бо, Неискусобра́чная Дѣво, / имѣ́ла еси́ во утробѣ́ над все́ми Бо́га /
и родила́ еси́ Безле́тнаго Сы́на, / всем воспева́ющим Тя / мир
подава́ющая.

Соберѣ́тесь, яросла́встии лю́дие, / помышле́ния своѧ́
очи́стивше, / и приидѣ́те во Святы́й храм Успѣ́ния

Всенепорóчныя Влады́чицы /, к честнóму óбразу Ея́ припадающе и умíльно моля́щаяся: / Богорóдице Дéво, хва́лящая Тя спаса́й.

Единоду́шно воспоём пречестно́й óбраз Твой, /
врачевствó всегó ми́ра духо́вное, / от Нея́ же исцелéний
благодáть почерпа́юще, / и недúгов телéсных и душéвных
страстéй Твоими́ молíтвами свобожда́емся.

Не отрини менé от лица́ Твоегó, Мáти незаходíмага
Свéта, / не попусти́ менé погрязнути в пучíне беззакóний, /
но возведи́ менé от блáта страстéй, да взýдет из нетлéния
живóт мой, / и пожрú Ти со глáсом хвалéния и исповéдания.

Исцели́ мя, Влады́чице, идолослужéнием в лихоимéнии
помраченнаго / и тем íстинное благочéстие и правослáвную
вéру поправшаго, / вразуми, о Богомати, еретíческим хулам
даже до кончины́ живота́ моего́ противостати, / да восхваляю
и прославлю́ благословéнное Ё́мя Твоé, Едíна Приснодéво.

Песнь 6

Ирмо́с: *Божéственное сиé и всечестнóе / соверша́юще
празднествó, / Богомúдрии, Богомáтере, / приидите́ рука́ми
восплéчим, / от Нея́ рóждшагося Бóга сла́вим.*

Егда́ божéственное и всечестнóе соверша́юще
празднествó, / прославлéния Твое, Богомáти, икóны, / пáмять
творя́ще всех чудéс, яже Тобóю от Нея́ содéяшася, / о нíхже

Тя благодаряще, / от Тебѣ рѡждшагося Бѡга сла́вим.

Вышняго о́священное Божественное селѣние,
ра́дуйся, / Тобѡю бо даде́ся ра́дость, Богоро́дице, зову́щим: /
Благослове́нна Ты в жена́х еси́, Всенепоро́чная Влады́чице.

О, Влады́чице, моли́твами Твои́ми утоли́, / церко́вныя
собла́зны и разделѣ́ния страны́ на́шей, / отсту́пльшия же от
Правосла́вныя Це́ркви па́стыри и мирскі́я лю́ди на путь
и́стины обрати́, / да вси еди́но пребыва́юще, согла́сно
Го́спода сла́вим.

Госпоже́, при́зри с Небесе́ к рабо́м Твои́м, в по́мощь
потщи́ся, / всякую́ я́зву, болѣзнь и недуги́ исцели́; / ста́рцу
согбе́нну Жезл, Засту́пница си́рым яви́ся, / всем источа́ющую
то́ки целѣ́бных даро́в.

Конда́к, глас 3.

Подобен: Де́ва днесь:

Де́ва днесь предстои́т в Це́ркви / и с ли́ки святы́х
невидимо за ны мо́лится Бѡгу, / святы́и князья́ Васи́лие с
Константи́ном ра́дуются, / и с ни́ми вся земля́ Яросла́вская
торжествует, / нас бо ра́ди мо́лит Богоро́дица Превѣчнаго
Бѡга.

Икос:

Оградí моя́ помышлѣ́ния, Пречи́стая, / и Небе́сным
Твои́м благослове́нием / подвигни́ мя досто́йно воспѣти

сла́ву Твою́ в хра́ме Пречестна́го Твоего́ Успѣния, / да,
надѣяся на мѣлость Твою́, дерзну́ убо́гим язы́ком воззва́ти
Ти: / ра́дуйся, Яросла́вская похвало́, от лет дрѣвних нас
освяща́ющая; / ра́дуйся, Небе́сная на́ша Ма́ти, прѣсно с на́ми
прибыва́ющая любóвию и милосѣрдием; / ра́дуйся упова́ние
и крѣпость рабо́в Твои́х, прѣсно чту́щих о́браз Тво́й
честный; / ра́дуйся, Моле́бнице на́ша неусыпа́ющая, нас бо
ра́ди мо́лиши Богоро́дице Превѣчнаго Бо́га.

Песнь 7

Ирмо́с: *Не послужи́ша тва́ри Богому́дрии / па́че Созда́вшего, /
но, о́гненное преце́ние му́жески попра́вше, / ра́довахуся, пою́ще: /
препе́тый отце́в Госпо́дь и Бог, благослове́н еси́.*

Рóждшаяся от ко́рене свѣта, за́висти в по́мысле моём не
даждь вкореня́тися, Де́во, / и братоненавидѣ́ния изба́ви мя,
Чи́стая. / Да не зло́бою мра́чною оскверне́н быв, лишúся
Бо́жия благода́ти / и жи́зни вѣчныя, Всенепоро́чная
Влады́чице.

Арха́нгельскую песнь, е́же ра́дуйся, Тебе́ зове́м,
Богоневѣсто, Госпо́дь с Тобо́ю, / ра́дуйся, радости́ А́нгелов и
всех челове́ков, / ра́дуйся, Неискусобра́чная, / сла́вящих Тя,
войсти́ну весе́лие, / Е́юже нам возсия́ хва́лимый отце́в Бог и
препросла́влен.

Дарова́ся, Пречи́стая, сокрови́ще честное́ гра́ду на́шему,

ико́на Твоя́, / ю́же са́ми зря́ще, о чуде́си удивля́емся, Сы́ну
Твоему́ вопи́юще: / препе́тый отце́в Госпо́дь и Бог,
благослове́н еси́.

Яко свети́льницы всезлати́и, благове́рнии князья́ и
чудотво́рцы Васи́лие с Константи́ном, / ико́ну Твою́ Чи́стая с
благоговéнием принесо́ша во святы́й град Яросла́вль / и все
упова́ние на Тя возло́жше / ве́лие утеше́ние получи́вше и
воспе́ша: / препе́тый отце́в Госпо́дь и Бог, благослове́н еси́.

Песнь 8

Ирмо́с: *О́троки благочесті́выя в пещи́ / Рождество́
Богоро́дичо спасло́ есть; / тогда́ убо образу́емое, / ны́не же
де́йствуемое, / вселéнную всю воздвиза́ет пéти Тебе́: / Го́спода
по́йте, дела́, / и превозно́сите Его́ во вся́ ве́ки.*

Ра́достью одержи́ми в сей све́тлый день пра́здника
Богома́тере, / все упова́ние на Ню возложи́м в ско́рбех и
печа́лех жи́зни на́шея. / Не усыпа́ет о нас в моли́твах
Пречи́стая Ма́терь Спа́сова / и явля́ет чу́дное Своё
милосе́рдие ко всем, / ве́рно чту́щим Ея́ о́браз святы́й.

О́браз Тво́й, я́ко бесце́нное сокрови́ще нам дарова́ся,
Влады́чице, / стру́и исцелéний ве́рным источа́ющая: / те́мже
незави́стную благода́ть взéмлюще, / воспева́ем Рождество́
Твое́, Чи́стая, и превозно́сим во вся́ ве́ки.

Сле́зную моли́тву на́шу приими́, Всеблага́я, / и испроси́

нам оставлѣние грехѡв, мѣрное житиѣ и благоу кончину от
Господа: / вѣмы бо, вѣмы воистину, Дѣво, яко вся возможна
Тебѣ, аще токмо восхощеши. / Тѣмже со упованіем крѣпким
поѣм во славу Твою / и превозносим Тя во вся вѣки.

Ли́ка Твоего́ божѣственнаго облистай мя свѣтом, отрадо
моя Пречѣстая, / егда́ душа́ моя от тѣла разлучатися бѣдет и
грехѡв моих испроси́ разрешѣние, / да раду́йся, пою́ Тя,
Владычице и вопи́ю Сыну Твоему́: / благослови́те, вся дела́
Господня, Господа.

Песнь 9

Ирмос: *Всяк земнородный / да възграется, Духом
просвѣщаемъ, / да торжествует же Безплотных умов естество, /
почитающее священное торжество Богоматере, / и да вопиет: /
раду́йся, Всеблаженная Богородице, / Чѣстая Приснодѣво.*

А́нгели земнии, князя́ Васи́лие и Константи́не, бѣли
еста́ / молебнo подвиза́лися еста́ пред пречѣдным образом
Божия́ Матере: / светлѣйши бо со́лнца возсия́ пречестна́я
икона́ Пресвяты́я Богородицы, / Ёйже моли́теся спастися
нам.

Всякого́ навета́ врагъ ви́димых и неви́димых ограждѣние /
да бѣдет прѣсно с нами́ необорѣмый покрѡв Твой,
Владычице, / и заступлѣние ублажа́емых нами́ ны́не князѣй.

О́чи серде́ц нашихъ воспу́щаемъ к Тебѣ, Чѣстая, / и

прибега́ем к Тво́ей, Де́во, бла́гости, / и с пла́чем ко́лена
прекло́няюще, мо́лим Тя: / не прэ́зри на́шего воздыха́ния /
и бу́ди нам Предста́тельница и Помо́щница в день су́дный.

Воздыха́ньми смире́нными принесо́х Ти препро́стое си́е
моле́ние, Всепе́тая, / поне́же груб есмь, многогрéшный, и
недостóин по досто́янию воспéти Тя, / но от усéрдия на Тво́я
щедро́ты наде́ясь, / я́ко Спаси́теля всегó ми́ра родила́ еси́, / не
возгнуша́йся, Цари́це, приими́ си́е и спаси́ мя.

Свети́лен:

Землю́ Яросла́вскую в досто́яние Себе́ избра́вшая /
и утверди́вшая нас во благоче́стии, / под покрóвом Тво́им
соблюди́, Всепе́тая, / о́бразом Тво́им честны́м от всех
напа́стей сохрани́, да зове́м Ти: / ра́дуйся, Всеми́лостивая, в
напа́стех ско́рая Засту́пница.

На хвали́тех стихи́ры на 4, глас 1.

Подóбен: Небе́сных чино́в.

Небе́сных Чино́в ви́шшая, / Херуви́м и Серафи́м
сла́внейшая, / ра́досте А́нгелов / нерукотворéнная ски́ние /
ле́стнице и ковче́жец всезлатый // Ты еси́ Благослове́нная
Влады́чице.

Светоно́сная Пала́та Ду́ха Свята́го, / ро́ду
христиа́нскому держа́вная Помо́щнице, / Зерца́ло

Превѣчнаго Свѣта, / приити к нам благоизволила еси, / и вся осветила еси, // пречистым зраком иконы Твоея, Владычице.

Василие и Константи́не ра́дуются / о пресла́вных
благодѣя́нних Божия́ Матере / и к моли́тве срóдников сво́их
призыва́ют, / и ико́ну Богоро́дицы почита́ти науча́ют, / чрез
Неѣ́ любóвь к Землѣ́ Яросла́встей яв́ившую, // и ту́гу люде́й
о́ной утоли́вшую.

Сла́ва, и ны́не, глас 6.

Никто́же, притека́яй к Тебе́, / посра́млен от Тебе́
исхо́дит, / Пречи́стая Богоро́дице Де́во, / но про́сит
благода́ти / и прие́млет дарова́ние //к полѣзному́ проше́нию.

Славосло́вие вели́кое. И отпу́ст.

НА ЛИТУРГИИ

Блаже́нны Богоро́дицы, пѣсни 3-я и 6-я. Прокі́мен:
Песнь Богоро́дицы, глас 3: Вели́чит душа́ Моя́ Го́спода:
Стих: Я́ко призре́ на смире́ние Рабы́ Своея́: Апостол ко
Евре́ем, зачало 320. Аллилу́ия, глас 8: Слы́ши, Дщи, и ви́ждь:
Стих: Лицу́ Твоему́ помóлятся: Ева́нгелие от Луки́, зачало 54:
Прича́стен: Ча́шу спасе́ния:



Моли́тва

О Пресвята́я Де́во, ма́ти Го́спода вѣ́шних сил, небесе́ и земли́ Цари́це и гра́да Яросла́вля всемо́щная Засту́пнице! Приими́ хвале́бное пѣ́ние си́е от нас недосто́йных раб Твои́х, и вознеси́ моли́твы на́ша ко престо́лу Бо́га Сы́на Твоего́, да ми́лостив бу́дет неправда́м на́шим и пробáвит благода́ть свою́ чту́щим всечестно́е я́мя Твое́ и с ве́рою и любóвию покланя́ющимся чудотво́рному образу́ Твоему́. Несмы́ бо досто́йни от него́ поми́лованы бы́ти, а́ще не Ты умилостивиши Его́ о нас, Влады́чице, я́ко вся Тебе́ от Него́ возмо́жна суть. Сего́ ра́ди к Тебе́ прибега́ем, я́ко к несомне́нной и ско́рей Засту́пнице на́шей, и Тебе́, я́ко всемогúщей Помо́щнице, са́ми себѣ и друг дру́га и всю жизнь на́шу по Христе́ Бо́зе преда́ем, ны́не и прѣ́сно и во ве́ки веко́в.

Ами́нь.

